

Қадірлі Бейбіткүл Сәрсемханқызы!

Сіз арқылы Қорқыт ата атындағы Қызылорда университеті ұжымын 85 жылдық мерейтойымен шын жүректен құттықтаймын!

Алты Алаштың анасы болған Сыр елінде, әрі Қазақ елінің тұңғыш астанасында орналасқан білім ордасының жарты ғасырдан астам уақыты кеңестік кезеңге, кейінгі отыз жылы тәуелсіз Қазақстан кезеңіне келіпті. Талай тарихты қойнауына бүккен Қызылорда қаласында жоғары білімнің қара шаңырағына айналған жоғары оқу орны қай кезеңде болмасын экономиканың барлық саласына қажет кадрларды даярлаумен, қазақстандық ғылымды дамытумен үздіксіз айналысып келеді. Сонау 1937 жылы өңірді мұғалім мамандарымен қамтамасыз ету мақсатында құрылған Қызылорда педагогикалық институты бүгінде еліміздің жетекші оқу орындарының біріне айналып, Университетте он мыңдаған жас жоғары білімнің барлық деңгейі қамтылған 70-ке жуық білім беру бағдарламалары бойынша сапалы білім алуда. Сонымен қатар, ұлт тарихындағы кемеңгер, мұбәрәк тұлға Қорқыт бабамыздың есімін иеленген Университет әлемнің 30 елімен халықаралық гуманитарлық ынтымақтастықты дамытуға елеулі үлесін қосып, отандық жоғары білімнің беделін көтеруде.

Сөз жоқ, білім ордасының жоғарыда аталған жетістіктерге жетуіне әр жылдары қажырлы еңбектерін сарп еткен ректорлар қауымының, оқытушылық-профессорлық құрамның үлесі мол.

KORKYT ATA University қазіргі уақытта да басшылық құрамның, ұстаз-ғалымдардың ерен еңбегінің, ғылыми ізденісінің нәтижесінде заман талабына сай қойылған міндеттерді жоғары деңгейде орындауда. Оның жарқын дәлелі - Университеттің QS ірі халықаралық рейтингінде ең озық 400 жоғары оқу орны тізіміне еніп, республикалық көпсалалы ЖОО-ның ұлттық рейтингінде үздік ондықтан көрінуі. Бұл - Университетте еліміздің қазіргі әлемдегі бәсекеге қабілеттіліктің негізгі факторы болып табылатын жастардың әлеуеттері мен мүмкіндіктерін толық іске асыру үшін барлық жағдай жасалғанын білдіреді. Осы арада, біздің Astana IT University үшін Сіздермен ынтымақтастықты дамытудың мәні зор екенін атап өткім келеді.

Құрметті KORKYT ATA University ұжымы! Осы сәтті пайдаланып, баршаңыздың отбасыңызға амандық-саулық, бақ-береке, еңбекте шығаршылық табыстар тілеймін! Қазақстан экономикасына сапалы мамандарды даярлау, отандық ғылымды дамыту ісіне қосар үлестеріңіз еселене берсін! Мерейтойларыңыз құтты болсын!

Ізгі ниетпен,

Astana IT University ректорының м.а.
экономика ғылымдарының докторы,
профессор



Серік Өмірбаев